

# საქართველოს პროკურატურის შეზღუდული შესაძლებლობის მქონე პირთა უფლებების დაცვის სამოქმედო გეგმა 2023 წელი

## შესავალი

წინამდებარე დოკუმენტი წარმოადგენს საქართველოს პროკურატურის შეზღუდული შესაძლებლობის მქონე (შშმ) პირთა უფლებების დაცვის სამოქმედო გეგმას 2023 წლისთვის.

საქართველოს პროკურატურისთვის შეზღუდული შესაძლებლობის მქონე (შშმ) პირთა მიმართ ჩადენილი დანაშაულის წინააღმდეგ ბრძოლა, შშმ პირთა სისხლის სამართლის მართლმსაჯულებისადმი მისაწვდომობის უზრუნველყოფა და სისხლის სამართლის პროცესში მონაწილე შშმ პირების, მათ შორის შშმ ქალებისა და გოგონების უფლებების დაცვა მნიშვნელოვან პრიორიტეტს წარმოადგენს. აღნიშნული მიმართულებით საქართველოს პროკურატურამ ღონისძიებების განხორციელება 2016 წლიდან დაიწყო.

საქართველოს პროკურატურისთვის მნიშვნელოვანია შეზღუდული შესაძლებლობის მქონე პირთა მართლმსაჯულებაზე მისაწვდომობის გაუმჯობესება და მათი მონაწილეობის ხელშეწყობა მართლმსაჯულების პროცესში. აღნიშნული მიზნით, პროკურატურა უზრუნველყოფს თანამშრომელთა განგრძობად გადამზადებას. 2022 წელს ევროპის საბჭოსა და ევროკავშირის მხარდაჭერით, საქართველოს პროკურატურაში შემუშავდა და დაინერგა სასწავლო პროგრამა შეზღუდული შესაძლებლობის მქონე პირებთან ეფექტიანი კომუნიკაციის თემაზე. შშმ მოწმესთან, დაზარალებულთან და ბრალდებულთან მუშაობის სტანდარტების შესახებ სახელმძღვანელო მითითებები ინტეგრირდა სასწავლო კურსებში, მათ შორის ოჯახური დანაშაულების, სქესობრივი თავისუფლებისა და ხელშეუხებლობის წინააღმდეგ მიმართული დანაშაულების სპეციალიზაციის კურსებსა და შშმ პირთა შესახებ არსებულ ტრენინგ-მოდულებში.

საქართველოს პროკურატურა განაგრძობს შეზღუდული შესაძლებლობის მქონე პირთა მიმართ ჩადენილ დანაშაულზე ეფექტიან სისხლისსამართლებრივ პოლიტიკას. არსებული ტენდენციებისა და გამოწვევების იდენტიფიცირების მიზნით, ტარდება შეზღუდული შესაძლებლობის მქონე პირთა მონაწილეობით არსებულ სისხლის სამართლის საქმეთა მონიტორინგი. 2022 წელს ჩატარებული მონიტორინგის საფუძველზე შემუშავდა შშმ პირთა წინააღმდეგ ჩადენილი დანაშაულების ანალიზი.

2021 წლის 10 აპრილიდან, სქესობრივი თავისუფლებისა და ხელშეუხებლობის წინააღმდეგ მიმართულ დანაშაულებზე საპროკურორო და საგამომიებო საქმიანობას მხოლოდ სპეციალიზებული პროკურორები და პროკურატურის გამომძიებლები აწარმოებენ. პროკურატურაში შეირჩნენ პროკურორები და პროკურატურის გამომძიებლები, რომლებმაც გაიარეს გადამზადების ინტენსიური კურსები და საპროცესო ხელმძღვანელობას უწევენ შშმ პირთა სქესობრივი თავისუფლებისა და ხელშეუხებლობის წინააღმდეგ მიმართულ დანაშაულებს. სპეციალიზაციის სასწავლო კურსი ასევე გაიარეს პროკურატურის მოწმისა და დაზარალებულის კოორდინატორებმა, რომლებიც ჩაერთნენ როგორც შშმ მოწმისა და დაზარალებულის, ასევე შშმ ბრალდებულის მონაწილეობით არსებულ სისხლის სამართლის საქმეებში.

საქართველოს პროკურატურა აქტიურად მუშაობს შეზღუდული შესაძლებლობის მქონე პირთათვის პროკურატურის ადმინისტრაციული შენობების მისაწვდომობის გაუმჯობესებაზე. მობილობის შეზღუდვის მქონე პირთათვის მისაწვდომია პროკურატურის 17 ადმინისტრაციული შენობა, მათ შორის გენერალური პროკურატურის ადმინისტრაციული შენობის მისაწვდომობა გაუმჯობესებულია შშმ პირთათვის. სენსორული შეზღუდვის მქონე პირთათვის მისაწვდომია პროკურატურის 9 ადმინისტრაციული შენობა.

„შეზღუდული შესაძლებლობების მქონე პირთა უფლებების შესახებ“ გაეროს კონვენციისა და „შეზღუდული შესაძლებლობის მქონე პირთა უფლებების შესახებ“ საქართველოს კანონით დაკისრებულ ვალდებულებათა ჯეროვნად შესრულების მიზნით, საქართველოს გენერალურ პროკურატურაში შემუშავდა შეზღუდული შესაძლებლობის მქონე პირთა უფლებების დაცვის წინამდებარე სამოქმედო გეგმა 2023 წლისთვის.

სამოქმედო გეგმის შემუშავებას წინ უძღოდა გენერალური პროკურატურის ადამიანის უფლებათა დაცვის დეპარტამენტის მჭიდრო კოორდინაცია შშმ თემის წარმომადგენლებთან და შშმ პირთა უფლებებზე მომუშავე არასამთავრობო ორგანიზაციებთან მათი რეკომენდაციების გაზიარების მიზნით. დოკუმენტში აისახა რელევანტური შენიშვნები და მოსაზრებები.

## სამოქმედო გეგმის აღსრულების მონიტორინგი და ანგარიშგება

საქართველოს პროკურატურაში შეზღუდული შესაძლებლობის მქონე პირთა უფლებების დაცვის სამოქმედო გეგმის აღსრულების მონიტორინგს ახორციელებს საქართველოს გენერალური პროკურატურის ადამიანის უფლებათა დაცვის დეპარტამენტი.

საქართველოს პროკურატურა აღნიშნული სამოქმედო გეგმით გათვალისწინებული ღონისძიებების შესრულების თაობაზე ანგარიშგებას ახორციელებს საქართველოს გენერალური პროკურორის, ადამიანის უფლებათა უწყებათაშორისი საბჭოსა და საქართველოს პარლამენტის წინაშე. საქართველოს პროკურატურა, სამოქმედო გეგმის შესრულების სხვადასხვა ეტაპზე, წარუდგენს ანგარიშს შშმ თემის წარმომადგენლებს, გააცნობს ინფორმაციას პროკურატურის მიერ განხორციელებული ღონისძიებების, არსებული ვითარებისა და გამოწვევების შესახებ.

**საქართველოს პროკურატურის შშმ პირთა უფლებების დაცვის სამოქმედო გეგმა 2023 წლისთვის**

<b>მიზანი 1.</b>	<b>შშმ პირთა, მათ შორის შშმ არასრულწლოვანთა და შშმ ქალთა მართლმსაჯულებაზე მისაწვდომობის გაზრდა</b>		
<b>ამოცანა 1.1.</b>	<b>შშმ პირების უფლებების, მათი საჭიროებების გათვალისწინებით პროცედურული მისადაგების უზრუნველყოფა სისხლის სამართლის საქმის წარმოების პროცესში</b>		
	<b>ამოცანის საბაზისო მაჩვენებელი (2022)</b>	<b>ამოცანის საბოლოო მაჩვენებელი (2023)</b>	
	საქართველოს პროკურატურაში გამოიყენება სახელმძღვანელო მითითებები „შშმ მოწმესთან, დაზარალებულთან/და ბრალდებულთან მუშაობის სტანდარტების შესახებ“ და „არასრულწლოვან შშმ მოწმესთან, დაზარალებულთან/და ბრალდებულთან მუშაობის სტანდარტების შესახებ“	სისხლის სამართლის საქმეებში, სადაც მონაწილეობენ შშმ მოწმე, დაზარალებული და ბრალდებული პროკურორების და გამომძიებლების მხრიდან სახელმძღვანელო მითითებების გამოყენების მაჩვენებელი გაზრდილია	
	2022 წელს მოწმისა და დაზარალებულის კოორდინატორების სამსახურის სერვისით ისარგებლა სისხლის სამართლის პროცესის მონაწილე 30-მა შშმ პირმა, მათ შორის 21-მა შშმ ქალმა.	სისხლის სამართლის საქმეებში მონაწილე შშმ პირების, მათ შორის შშმ ქალთა მიერ მოწმისა და დაზარალებულის კოორდინატორების სამსახურის სერვისით სარგებლობის მაჩვენებელი გაზრდილია 10%-ით	
<b>აქტივობა 1.1.1.</b>	„შშმ მოწმესთან, დაზარალებულთან და ბრალდებულთან მუშაობის სტანდარტების შესახებ“ სახელმძღვანელო მითითების შესრულების მონიტორინგი		
	<b>აქტივობის შედეგის ინდიკატორი:</b> „შშმ მოწმესთან, დაზარალებულთან და ბრალდებულთან მუშაობის სტანდარტების შესახებ“ სახელმძღვანელო მითითების შესრულების მონიტორინგის ანგარიში გამოცემულია	<b>დაფინანსების წყარო</b>	
		სახელმწიფო ბიუჯეტი	სხვა
		ადმინისტრაციული ხარჯი	
	<b>პარტნიორი უწყება:</b>		
<b>აქტივობა 1.1.2.</b>	„შშმ არასრულწლოვან მოწმესთან, დაზარალებულთან და ბრალდებულთან მუშაობის სტანდარტების შესახებ“ სახელმძღვანელო მითითების შესრულების მონიტორინგი		
	<b>აქტივობის შედეგის ინდიკატორი:</b>	<b>დაფინანსების წყარო</b>	

	„შშმ არასრულწლოვან მოწმესთან, დაზარალებულთან და ბრალდებულთან მუშაობის სტანდარტების შესახებ“ სახელმძღვანელო მითითების შესრულების მონიტორინგის ანგარიში გამოცემულია	სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b>			
<b>აქტივობა 1.1.3.</b>	შშმ პირების, მათ შორის შშმ ქალთა მონაწილეობით არსებულ სისხლის სამართლის საქმეებში, მოწმისა და დაზარალებულის კოორდინატორის ჩართულობის გაზრდით, შშმ პირთა რე-ტრავმატიზაციის პრევენციის ხელშეწყობა			
	<b>აქტივობის შედეგის ინდიკატორი:</b> გაზრდილია შშმ პირთა, მათ შორის შშმ ქალთა მონაწილეობით არსებულ სისხლის სამართლის საქმეებში, მოწმისა და დაზარალებულის კოორდინატორის მონაწილეობისა და შშმ პირების მხრიდან კოორდინატორის სამსახურით სარგებლობის მაჩვენებელი	<b>დაფინანსების წყარო</b>		
		სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b>			
<b>ამოცანა 1.2.</b>	შშმ პირების უფლებებზე, მათ შორის შშმ ქალებისა და გოგონების უფლებებზე პროკურატურის თანამშრომელთა კვალიფიკაციის განგრძობადი ამაღლება			
	<b>ამოცანის საბაზისო მაჩვენებელი (2022)</b>  საქართველოს პროკურატურაში შშმ პირთა უფლებებისა და კომუნიკაციის თემაზე, შშმ ნიშნით შეუწყნარებლობის მოტივის იდენტიფიცირების თემაზე ჩატარებული 15 ტრენინგის შედეგად, გადამზადებულია 314 თანამშრომელი.	<b>ამოცანის საბოლოო მაჩვენებელი (2023)</b>  შშმ პირების უფლებებისა და მათთან კომუნიკაციის თემაზე ჩატარებული ტრენინგებისა და გადამზადებულ თანამშრომელთა რაოდენობა გაზრდილია მინიმუმ 10%-ით		
<b>აქტივობა 1.2.1.</b>	შშმ პირების, მათ შორის, შშმ ქალების უფლებებზე და შშმ პირებთან კომუნიკაციის თემაზე პროკურორებისთვის/პროკურატურის გამომძიებლებისთვის/მენეჯერებისთვის/მოწმისა და დაზარალებულის კოორდინატორებისთვის 2 ტრენინგის ჩატარება			
	<b>აქტივობის შედეგის ინდიკატორი:</b>	<b>დაფინანსების წყარო</b>		

	შშმ პირების უფლებებისა და მათთან კომუნიკაციის თემაზე ჩატარებულია 2 ტრენინგი, სულ მცირე 30 თანამშრომლის მონაწილეობით	სახელმწიფო ბიუჯეტი	სხვა	დეფიციტი
		ადმინისტრაციული ხარჯი	დონორი ორგანიზაცია	
	<b>პარტნიორი უწყება:</b>			
<b>აქტივობა 1.2.2.</b>	სპეციალიზებული პროკურორებისთვის/პროკურატურის გამომძიებლებისთვის შემდგომი გადამზადების მიზნით, შშმ პირთა, მათ შორის შშმ ქალთა მიმართ ჩადენილი დანაშაულისა და მართლმსაჯულებაზე მისაწვდომობის საკითხებზე, 2 ტრენინგის ჩატარება (მათ შორის შშმ ნიშნით შეუწყნარებლობის მოტივით ჩადენილი დანაშაულის თემაზე)			
	<b>აქტივობის შედეგის ინდიკატორი:</b> სპეციალიზებული პროკურორებისთვის/პროკურატურის გამომძიებლებისთვის შემდგომი გადამზადების მიზნით, შშმ პირთა საკითხებზე, მათ შორის, შშმ ქალთა საკითხებზე ჩატარებულია 2 ტრენინგი, სულ მცირე 30 სპეციალიზებული პროკურორის/ პროკურატურის გამომძიებლის მონაწილეობით (მათ შორის შშმ ნიშნით შეუწყნარებლობის მოტივით ჩადენილი დანაშაულის თემაზე)	სახელმწიფო ბიუჯეტი	სხვა	დეფიციტი
		ადმინისტრაციული ხარჯი	დონორი ორგანიზაცია	
	<b>პარტნიორი უწყება:</b>			
<b>მიზანი 2.</b>	<b>შშმ პირთა ექსპლუატაციისგან, არასათანადო მოპყრობისაგან და დისკრიმინაციისაგან დაცვა და შშმ პირთა მიმართ, მათ შორის, შშმ ქალთა მიმართ ჩადენილ დანაშაულებზე ეფექტიანი რეაგირება</b>			
<b>ამოცანა 2.1.</b>	შეზღუდული შესაძლებლობის მქონე პირთა წინააღმდეგ ჩადენილი დანაშაულის, მათ შორის, შშმ ქალთა მიმართ ჩადენილი დანაშაულისა და შეზღუდული შესაძლებლობის ნიშნით შეუწყნარებლობის მოტივით ჩადენილი დანაშაულის ეფექტიანი სისხლისსამართლებრივი დევნა			
	<b>ამოცანის საბაზისო მაჩვენებელი (2022)</b>  შშმ პირთა მიმართ ჩადენილი დანაშაულის ფაქტებზე სისხლისსამართლებრივი დევნა დაიწყო 98 პირის მიმართ;  დაზარალებულად ცნობილია 111 შშმ პირი;  დაზარალებულად ცნობილია 56 შშმ ქალი.	<b>ამოცანის საბოლოო მაჩვენებელი (2023):</b>  შშმ პირთა მიმართ ჩადენილ დანაშაულებზე სისხლისსამართლებრივი დევნის მაჩვენებელი გაზრდილია;  შშმ პირთა დაზარალებულად ცნობის სტატისტიკური მაჩვენებელი გაზრდილია;		

		შშმ ქალთა დაზარალებულად ცნობის სტატისტიკური მაჩვენებელი გაზრდილია.		
<b>აქტივობა 2.1.1.</b>	„დისკრიმინაციის ნიშნით შეუწყნარებლობის მოტივით ჩადენილ დანაშაულებზე ეფექტიანი საპროცესო ხელმძღვანელობის შესახებ“ სახელმძღვანელო მითითებების იმპლემენტაცია			
	<b>აქტივობის შედეგის ინდიკატორი:</b>	<b>დაფინანსების წყარო</b>		
	„დისკრიმინაციის ნიშნით შეუწყნარებლობის მოტივით ჩადენილ დანაშაულებზე ეფექტიანი საპროცესო ხელმძღვანელობის შესახებ“ სახელმძღვანელო მითითებები გავრცელებულია პროკურატურის სისტემაში და მონიტორინგის ანგარიში გამოცემულია	სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b>			
<b>აქტივობა 2.1.2.</b>	შშმ პირთა მონაწილეობით, მათ შორის, შშმ ქალთა მონაწილეობით არსებულ სისხლის სამართლის საქმეებზე არსებული გამოწვევების იდენტიფიცირების, გამოცდილების გაზიარებისა და ერთიანი პრაქტიკის ჩამოყალიბების მიზნით, სამუშაო შეხვედრის ჩატარება საქართველოს პროკურატურის, შინაგან საქმეთა სამინისტროს, ადვოკატებისა და სასამართლოს წარმომადგენლების მონაწილეობით.			
	<b>აქტივობის შედეგის ინდიკატორი:</b>	<b>დაფინანსების წყარო</b>		
	შშმ პირთა მონაწილეობით, მათ შორის შშმ ქალთა მონაწილეობით არსებულ სისხლის სამართლის საქმეებზე არსებული გამოწვევების იდენტიფიცირების, გამოცდილების გაზიარებისა და ერთიანი პრაქტიკის ჩამოყალიბების მიზნით, ჩატარებულია სულ მცირე ერთი სამუშაო შეხვედრა პროკურატურის, შინაგან საქმეთა სამინისტროს,	სახელმწიფო ბიუჯეტი	სხვა	დეფიციტი
		ადმინისტრაციული ხარჯი	დონორი ორგანიზაცია	

	ადვოკატების და სასამართლოს წარმომადგენლების მონაწილეობით.			
<b>პარტნიორი უწყება:</b> საქართველოს შინაგან საქმეთა სამინისტრო, სასამართლო, ადვოკატთა ასოციაცია				
<b>ამოცანა 2.2.</b>	შეზღუდული შესაძლებლობის მქონე პირთა, მათ შორის, შშმ ქალთა უფლებრივი მდგომარეობის გაუმჯობესების, სისხლის სამართალწარმოებაში გამოვლენილი გამოწვევების გაზიარებისა და გადაჭრის მიზნით, შშმ თემთან, საზოგადოებასთან და დაინტერესებულ პირებთან კომუნიკაციის ხარისხის გაუმჯობესება			
	<p><b>ამოცანის საბაზისო მაჩვენებელი (2022)</b></p> <p>საქართველოს პროკურატურის წარმომადგენლებმა შშმ თემის წარმომადგენლებთან და შეზღუდული შესაძლებლობის მქონე პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის საკონსულტაციო საბჭოსთან სამუშაო შეხვედრა გამართეს. პროკურატურის ვებ-გვერდზე პროაქტიულად ქვეყნდებოდა ინფორმაცია პროკურატურის მხრიდან შშმ პირების უფლებების დაცვის მიზნით განხორციელებული ღონისძიებების შესახებ.</p>	<p><b>ამოცანის საბოლოო მაჩვენებელი (2022)</b></p> <p>საქართველოს პროკურატურის თანამშრომლობა შშმ თემის წარმომადგენლებთან, შეზღუდული შესაძლებლობის მქონე პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის საკონსულტაციო საბჭოსთან გაგრძელდება. საქართველოს პროკურატურის ვებ-გვერდზე განთავსდება ინფორმაცია შშმ პირების უფლებების დაცვის მიზნით განხორციელებული ღონისძიებების შესახებ</p>		
	საქართველოს პროკურატურის ვებ-გვერდი ნაწილობრივ ადაპტირებულია შშმ პირებისთვის	საქართველოს პროკურატურის ვებ-გვერდი ადაპტირებულია შშმ პირებისთვის		
	მოხილობის შეზღუდვის მქონე პირთათვის მისაწვდომია პროკურატურის 17 ადმინისტრაციული შენობა. სენსორული შეზღუდვის მქონე პირებისთვის მისაწვდომია პროკურატურის 9 ადმინისტრაციული შენობა.	საქართველოს პროკურატურის ადმინისტრაციული შენობების ფიზიკური გარემოს მისაწვდომობა შშმ პირთათვის გაუმჯობესებულია, აღნიშნულ პროცესში გათვალისწინებულია როგორც ფიზიკური, ასევე სენსორული და ინტელექტუალური შეზღუდვის მქონე პირთა დამოუკიდებლად გადაადგილების საჭიროებები.		



<b>აქტივობა 2.2.1.</b>	სისხლის სამართალწარმოებაში გამოვლენილი გამოწვევების გაზიარებისა და გადაჭრის მიზნით, სამუშაო შეხვედრის ჩატარება შეზღუდული შესაძლებლობის მქონე პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის საკონსულტაციო საბჭოსთან და შშმ თემის წარმომადგენლებთან			
	<b>აქტივობის შედეგის ინდიკატორი:</b>	<b>დაფინანსების წყარო:</b>		
	ჩატარებულია სულ მცირე ერთი სამუშაო შეხვედრა შშმ პირთა უფლებების კონვენციის პოპულარიზაციის, დაცვისა და იმპლემენტაციის მონიტორინგის საკონსულტაციო საბჭოსა და შშმ თემის მონაწილეობით.	სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b> სახალხო დამცველის აპარატი			
<b>აქტივობა 2.2.2.</b>	შშმ ქალებისა და გოგონების უფლებებზე, საჭიროებებსა და მართლმსაჯულებაზე მისაწვდომობის საკითხებზე საინფორმაციო შეხვედრის ჩატარება საზოგადოების წარმომადგენლებთან			
	<b>აქტივობის შედეგის ინდიკატორი:</b>	<b>დაფინანსების წყარო:</b>		
	ჩატარებულია სულ მცირე ორი საინფორმაციო შეხვედრა შშმ ქალებისა და გოგონების უფლებებზე, საჭიროებებსა და მართლმსაჯულებაზე მისაწვდომობის საკითხებზე, საზოგადოების წარმომადგენლებთან.	სახელმწიფო ბიუჯეტი	სხვა	დეფიციტი
		ადმინისტრაციული ხარჯი	დონორი ორგანიზაცია	
	<b>პარტნიორი უწყება:</b>			
<b>აქტივობა 2.2.3.</b>	ფემიციდისა და ქალთა მიმართ ძალადობის საკითხებზე, ასევე შშმ ქალებისა და გოგონების უფლებებზე საინფორმაციო შეხვედრის ჩატარება შშმ ქალებთან			
	<b>აქტივობის შედეგის ინდიკატორი:</b>	<b>დაფინანსების წყარო:</b>		
	შშმ ქალებთან ჩატარებულია სულ მცირე ორი საინფორმაციო შეხვედრა ფემიციდისა და ქალთა	სახელმწიფო ბიუჯეტი	სხვა	დეფიციტი

	მიმართ ძალადობის საკითხებზე და შშმ ქალებისა და გოგონების უფლებებზე	ადმინისტრაციული ხარჯი	დონორი ორგანიზაცია	
	<b>პარტნიორი უწყება:</b>			
<b>აქტივობა 2.2.4.</b>	შშმ პირების მიმართ ან/და შშმ ნიშნით შეუწყნარებლობის მოტივით ჩადენილ დანაშაულზე სისხლისსამართლებრივი დევნისა და მსჯავრდების შესახებ, ასევე შშმ პირების მართლმსაჯულებაზე მისაწვდომობის გაუმჯობესების საკითხებზე განხორციელებული ღონისძიებების თაობაზე ინფორმაციის პროკურატურის ვებ-გვერდზე / სოციალური ქსელის გვერდზე გამოქვეყნება			
	<b>აქტივობის შედეგის ინდიკატორი:</b>	<b>დაფინანსების წყარო:</b>		
	შშმ პირების მიმართ ან/და შშმ ნიშნით შეუწყნარებლობის მოტივით ჩადენილ დანაშაულზე სისხლისსამართლებრივი დევნისა და მსჯავრდების შესახებ, ასევე შშმ პირების მართლმსაჯულებაზე მისაწვდომობის გაუმჯობესების საკითხებზე განხორციელებული ღონისძიებების თაობაზე ინფორმაცია პროკურატურის ვებ-გვერდზე, სოციალური ქსელის გვერდზე გამოქვეყნებულია	სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b>			
<b>აქტივობა 2.2.5.</b>	საქართველოს პროკურატურის ვებ-გვერდის ადაპტირება შშმ პირებისთვის			
	<b>აქტივობის შედეგის ინდიკატორი:</b> საქართველოს პროკურატურის ვებ-გვერდი ადაპტირებულია შშმ პირებისთვის	<b>დაფინანსების წყარო</b>		
		სახელმწიფო ბიუჯეტი	სხვა	დეფიციტი
		ადმინისტრაციული ხარჯი		
	<b>პარტნიორი უწყება:</b>			

<b>აქტივობა 2.2.6.</b>	საქართველოს პროკურატურის ადმინისტრაციული შენობების ფიზიკური გარემოს მისაწვდომობის გაუმჯობესება შშმ პირთათვის; აღნიშნულ პროცესში როგორც ფიზიკური, ასევე სენსორული და ინტელექტუალური შეზღუდვის მქონე პირთა დამოუკიდებლად გადაადგილების საჭიროებების გათვალისწინება		
	<b>აქტივობის შედეგის ინდიკატორი:</b>	<b>დაფინანსების წყარო</b>	
	საქართველოს გენერალური პროკურატურისა და ხაშურის რაიონული პროკურატურის ადმინისტრაციული შენობების ფიზიკური გარემო შშმ პირთა საჭიროებების გათვალისწინებით მოწყობილია, გაუმჯობესებულია; აღნიშნულ პროცესში გათვალისწინებულია როგორც ფიზიკური, ასევე სენსორული და ინტელექტუალური შეზღუდვის მქონე პირთა დამოუკიდებლად გადაადგილების საჭიროებები.	სახელმწიფო ბიუჯეტი	სხვა
		ადმინისტრაციული ხარჯი	დეფიციტი
	<b>პარტნიორი უწყება:</b>		